



XALQ DEPUTATLARI BULUNG'UR TUMAN KENGASHINING Q A R O R I

25 - mart 2021-yil

163/28 -son

Tuman mahalliy budjetining 2021-yil boshiga saqlangan erkin qoldiq mablag'lari hisobidan ajratiladigan mablag'lar to'g'risida

Tuman hokimining birinchi o'rinbosari D.Xabibullayev bildirishnomasiga asosan O'zbekiston Respublikasi Prezidentining 2020-yil 25-dekabrdagi "Yoshlar forumi"da so'zlagan nuqtiga asosan, tumanda "Yoshlar bilan ishlashning yangicha tizimini joriy etish bo'yicha" chora-tadbirlar dasturining 22-bandini ijrosini ta'minlash maqsadida 7 nafar yoshlarga o'z iqtidorlarini ro'yobga chiqarish maqsadida 1900000 (o'n to'qqiz) million so'm mablag' ajratib berish bo'yicha tuman Moliya bo'limining 2021-yil 23-martdagi 01/02-38/64-sonli xati bilan tuman mahalliy budjeti erkin qoldiq mablag'i hisobidan moliyalashtirish ko'zda tutilgan.

Tumanda 2021-yil 1-4-choraklarda yoshlar bilan ishlashning yangicha tizimini joriy etish bo'yicha chora-tadbirlar dasturining 7-bo'limi 84-bandida ijtimoiy himoyaga muhtoj hamda alohida iqtidorga ega bo'lgan 10 nafar o'quvchi qizlarni rag'batlantirish maqsadida "Maxsus stipendiya"ni joriy etishda respublika va mahalliy budjet mablag'lari hisobidan mablag' ajratish bo'yicha tuman Moliya bo'limining 2021-yil 24-martdagi 01/02-38/68-sonli xati bilan tuman mahalliy budjeti erkin qoldiq mablag'i hisobidan moliyalashtirish ko'zda tutilgan.

O'zbekiston Respublikasi Prezidentining 2020-yil maydagi PF-6000-sonli "Madaniyat va san'at sohasining jamiyat hayotidagi o'rni va ta'sirini yanada oshirish chora-tadbirlari to'g'risida"gi hamda 2021-yil 1-4-chorak yoshlar bilan shug'ullanishning yangicha tizimini joriy etish bo'yicha dasturi ijrosini ta'minlash maqsadida tumanda faoliyat olib borayotgan 5 ta Madaniyat markazlariga zamonaviy texnik anjomlar va cholg'u asboblari bilan ta'minlash bo'yicha tuman Moliya bo'limining 2021-yil 24-martdagi 01/02-38/68-sonli xati bilan tuman mahalliy budjeti erkin qoldiq mablag'i hisobidan moliyalashtirish ko'zda tutilgan.

Yuqorida bayon qilinganlarni inobatga olib, 7 nafar yoshlarga o'z iqtidorlarini ro'yobga chiqarish maqsadida 19 000 0000 (o'n to'qqiz) million so'm, ijtimoiy

himoyaga muhtoj hamda alohida iqtidorga ega bo'lgan 10 nafar o'quvchi qizlarni rag'batlantirish maqsadida maxsus stipendiya joriy etish uchun 30 000 000 (o'ttiz) million so'm, tuman hokimligi Madaniyat bo'lim va 4-son "Qirqshodi" Madaniyat markazini zamonaviy texnik anjomlar va cholg'u asboblari bilan ta'minlash uchun 42 000 000 (qirq ikki) million so'm, jami 91 000 000 (to'qson bir) million so'm pul mablag'i ajratishda amaliy yordam berishni so'ragan.

Yuqoridagilarga ko'ra hamda O'zbekistan Respublikasi "Mahalliy davlat hokimiyati to'g'risida"gi qonunning 24-moddasiga asosan xalq deputatlari tuman Kengashining 28-sessiyasi

QAROR QILADI:

1. Xalq deputatlari Bulung'ur tuman Kengashi kotibiyati mudiri (M.Qlichov) va Tuman hokimining birinchi o'rinbosari (D.Xabibullayev)larning bildirishnomalari ma'lumot uchun qabul qilinsin.

2. Bulung'ur tumani hokimining o'rinbosarlari (D.Xabibullayev), tuman hokimligi Moliya bo'limi (J.Narziyev), tuman g'aznachilik bo'linmasi (E.Niyozov)larga;

7 nafar yoshlarga o'z iqtidorlarini ro'yobga chiqarish maqsadida 19 000 000 (o'n to'qqiz million) mln so'm, ijtimoiy himoyaga muhtoj hamda alohida iqtidorga ega bo'lgan 10 nafar o'quvchi qizlarni rag'batlantirish maqsadida maxsus stipendiya joriy etish uchun 30 000 0000 (o'ttiz) million so'm, tuman hokimligi Madaniyat bo'lim va 4-son "Qirqshodi" Madaniyat markazini zamonaviy texnik anjomlar va cholg'u asboblari bilan ta'minlash uchun 42 000 000 (qirq ikki) million so'm, jami 91 000 000 (to'qson bir) million so'm pul mablag'i ajratilsin.

3. Ushbu qarorning ijrosini nazorat qilish xalq deputatlari Bulung'ur tuman Kengashining Mahalliy budjetni shakllantirish va ijro etish, iqtisodiy islohatni amalga oshirish va tadbirkorlikni rivojlantirish masalalari bo'yicha doimiy komissiyasi (M.Nomazov), hamda tuman hokimining birinchi o'rinbosari (D.Xabibullayev) zimmasiga yuklatilsin.

Kengash raisi

 **B. Baxramov**